

txoritxoari mokoka

Amagoia Iban

'G.I. Jane' espainiarra

Nik ez nuen Demi Moore protagonista zuen *G.I. Jane* pelikula ikusi, baina ikusi beharrik ere ez, filma iragartzeko eskaini ohi dizkiguten irudi hautatuak ikusita, guztia ikusi diezun horietakoa baita. Astearte gauean TVE1en estreinatu zuten *Mi teniente*-ri buruz —G.I. Jane trikorniodun bat protagonista duela—, beste hainbeste esan daiteke. Baina onartu behar dut iragarkiak ez ezik, astearteko lehen atala osorik ikusi nuela, morboak xaxatuta, batez ere. Morbo hori naturala ote den ala ez, nahiago nuke beste baterako



PACO TORRENTE

Mi teniente telesailako protagonista nagusiak.

utzi, baina oraindik ez naizena neure onera etorri, hori ere onartu beharko dut. Espainiako kateetan azpi-genero zoldatsua bilakatzen ari diren —zergatik ote?— uniformedun telesailen sailkapenean azken tokia merezi duela, ez zait zalantzarik geratu. Antena 3ren *Policías* eta Tele5en *El comisario* gaindiezinak lehen emanaldian gainditu ditu *G.I. Jane* espainiarrak. Kartoizkoak diruditen aktoreengatik, errealizazio ezin nahasiagoagatik, gidoi negargarriarengatik... arrazoiak hamaika dira, eta euskal gizarteari buruzko tesi soziologikoen arloan sartu ohi direnak ere, ez nituzke baztertuko. Publi-erreportaia izateko ere, ez dakit telesail horrek balioko ote lukeen. Baina usteak erdia ustel, ezta?

ETB1. Atzo goizean aurkeztu zuten Donostiako Londres Hotelean astelehenen hasiko den programazio berria

Lau ordu egunean haurrentzat

Estepan Aldamiz-Etxebarriak gidatutako 'Firin-faran' eztabaida saioa berreskuratuko dute



PABLO S. QUIZA

ETB1 kateko aurkezleak eta arduradunak, atzo, Donostiako Kontxa hondartzan.

GERRIKUNTZAK

'BETIZU'. Ingelesko irakasle birtual bat egongo da: Miss Issipi. *Betizu kluba* martxan jarriko da.

'FIRIN-FARAN'. Urteetako ete-naldiaren ostean, ETBk mahai inguru saioa berreskuratuko du. Lehen bezala Estepan Aldamiz-Etxebarria izango da aurkezlea. Astearte gauerdian emango dute.

KIROLAK. Astelehenetik ostiralera, gaueko *Gaur egun* albistegia amaitzean, Xabier Usabiagak kirol saio berri bat aurkeztuko du.

'IKUSGELA'. Ordutegiz aldatuko da. Ostegunetan eskainiko dute, 17:30ean. Atal berriak izango dira.

'E-KLIPSE@'. Astelehenetik ostiralera (ostegunetan izan ezik) musikarik onena eramango du Joseina Etxeberriak (17:30ean).

'HASIBERRIAK'. Pertsonaia berriak egongo dira. Urriaren 10ean hasiko da bigarren denboraldia. Asteazkenetik ostiralera emango dute.

Urtzi Urkizu | **DONOSTIA**

Euskal Telebistako lehenengo kateko saioetako aurkezleen babesean egin zuen atzo goizean Bingen Zupiriak programazio berriaren aurkezpena. ETBko zuzendariak adierazi zuen ikasturte berriko helburuak hiru izango direla. «Haur programazioa ugaltzea eta indartzea, bigarrenik gazte programazioari leku gehiago egitea eta hirugarrenik informazio tarteen eskaintza osatzea».

Astelehenean hasiko da haur programazio berria eta ordu gehiago izango dira (egunean lau ordu). «Edukiei dagokionean *Betizuak* indartuko ditugu, eta hiru dimentsiotan eginiko

tira moduko bat egongo da behiak protagonista direla. Musikaren eskaintzak garrantzi handiagoa izango du» dio Zupiriak. Ilaski Serrano aurkezleak saioko beste berrikuntza batzuk aipatu zituen eta *Betimu*-ren grabaketak urrian Ordizian hasiko direla esan zuen. Bestetik, Miss Issipi unibertsolari birtual berriak ingelesa erakutsiko die etxeko txikienei. Serranok aurreratu zuen Euskal Herriko artista gaztetxoekin gala handi bat egitekotan direla. «Betizu klubari buruz datorren astean hasiko gara hitz egiten» gaineratu zuen Zupiriak.

Gazte programazioan *Hasiberriak* telesailaren jarraipena izango da aipagarriena. Aintza-

'SORGINEN LARATZA'

Urriaren 1etik aurrera

Astelehen eta asteartetan 22:30ean izango da, asteazken eta ostegunetan 23:00etan

ne Gamiz aktoreak honakoa esan zuen: «Grabaketa formalak etzi hasiko dira eta emisioei urriaren 10ak aldera ekingo diote. Asteazken, ostegun eta ostiraletan emango dute telesaila. Pertsonaia berriak egongo dira eta sekulako gogoak dugu gure lana hobetzeko».

ETBko zuzendariak aipatuta-

ko hirugarren helburua informazio saioak osatzearena da. «Lehenengo *Gaur egun* albistegia 14:00etan izango da eta Maribel Aizarnak aurkeztuko du. Gaueko aurkezlea Joseba Iriondo izango da eta asteburuetako Ainhua Larretxea. Astearte gauean, bestalde, *Firin-faran* eztabaida saioa berreskuratuko dugu eta garai batean bezala Estepan Aldamiz-Etxebarriak gidatuko du». Kirolei dagokionez, Xabier Usabiagak kirol saio bat aurkeztuko du (gaueko *Gaur egun* bukatu eta gero).

Azkeneko denboraldietako saio gehienak datozen asteetan itzuliko dira programaziora: *Sautrela*, *Esanak esan*, *Zine Oro* eta abar. *Hitzetik hortzera* ber-

tsolaritza saioa, bestalde, azarotik Gabonetara iraungo duela azaldu zuen Zupiriak.

Xabier Euzkitzek eta Klaudio Landak, azkenik, *Sorginen laratza* magazineko denboraldi berriaz hitz egin zuten. «Urriaren 1ean hasiko gara berriro. Astelehen eta asteartetan 22:30ean hasiko gara eta bertan elkarrizketa gehiago izango ditugu. Asteazken eta ostegunetan, 23:00etan hastean, entretenimendua eta umorea landuko ditugu» azaldu zuen Euzkitzek. Aurpegi berrien artean Kaittin Allende egongo dela aurreratu zuen Landak, famatuei testak egingo dietela eta publikoak parte hartze zuzenagoa izango duela ere iragarri zuen.